



Navn Navnesen
Navne Navnesensveien 10
1122 Oslo

Dáhton

Iskkusvástádus – dárbbášuvvo koloskopiiija

Gieskat leat don sádden earániskosa Čoallescreenenprográmmii. Iskosis gávdnui varra. Ahte eáranis lea gávdnon varra, ii dárbbáš mearkkašit ahte dus lea borasdávda. Muhto go eat dieđe dasa siva, de rávvet ahte du čoalli lagabut iskojuvvo. Čujuhat du danne koloskopiijai [screenenguovddášii].

Čoalleborasdávda ovdána polyhpain čoalis. Koloskopiijaisskadeamis sáhtta čájehit ja jávkadit vejolaš polyhpaid. Jus du ferte ain čuovvulit manjil koloskopiiija, de dahká buohcciviessu dan.

Eat šat bivdde du sáddet eanet earániskosa Čoallescreenenprográmmii.

Jus dáhtožat eanet dieđuid Čoallescreenenprográmma ja koloskopiiija birra, de sáhtát lohkat eanet dás: tarmscreening.no. Dás sáhtát maddái geahččat filmma mo koloskopiiija dáhpáhuva.

Jus ležžet gažaldagat du koloskopiijadimmu birra, de válddát oktavuoda njuolgga buohcceviesuin.

Ustitlaš dearvvuodáiguin

Čoallescreenenprográmma



Maid dát mearkkaša?

Analysa čájeha ahte dan iskosis maid sáddejít Čoallescreenenprográmmii lea varra. Dát sáhttá leat borasdávdamearka. Muhtto sáhttá eará sivvage, mahkáš vardi polyhppa. Soapmásiin ii oba gávnnat ge manne baikkas lei varra.



Mii dál geavvá?

4 vahku siste fálljuvvo dutnje koloskopii buohcceviesus. Buohcceviesu bivddareivves oaččut eanet dieđuid iskkadeami birra. Rávvet du dan lohkat dárkilit.



Mii lea koloskopii?

Koloskopii lea iskkadeapmi mii čađahuvvo buohcceviesus. Das geavahuvvo koloskohpa, mii lea seakka šlángas man geažis lea uhca kameraš. Dat jođihuvvo bahtačoali sisa ja iská gassačoali siskkobeali. Iskkadeapmi bistá sullii 45 minuvtta.



Mii polyhppa lea?

Polyhpat leat uhca šattalmasažat čoalis mat dábálaččat eai leat veahášge váralaččat. Muhto áibbas moadde sáhttet dađis stuorrut ja šaddat borasdávdan. Jus gávdnožit polyhpat koloskopii iskkadeamis, de váldjuvvojit dat eret. Ii bávččat válddihit polyhpaid eret čoalis.



Fertengo moktege ráhkkanit?

Vai doavttir sáhtášii geahččat leatgo polyhpat ja borasdávda du čoalis, de ferte dat leat áibbas buhtis. Čoalli ferte gurruvuvot ovdal iskkadeami. Buohcceviesu bivdagis oaččut dieđuid maid galggat geavahit ja mo dagat.



Bávččagahttago koloskopii?

Soapmásat dovdet čárvobákkásiid koloskopii botta. Jus dárbbasat, de sáhtát oažžut bávččasláivudeaddji dálkasiid. Dan manjil it sáhte vuodjit biillain. Danne livččii buorre ráhkkanahhtit soapmása du viežžat manjil iskkadeami.

Jus dárbbasat eanet dieđuid iskkadeami birra, de sáhtát dan oaidnit min ruovttusiiddus tarmscreening.no. Doppe lea maddái diehtjuohkinfilbma koloskopii birra.